

**Godin Akam Inigha Izir  
Gumazim  
Jonan Eghaghanim  
O  
Jona  
Akar faragha zuim**

Godin Akam Inigha Izir Gumazim Jonan Eghaghanim, a Godin akam inigha izir gumazir igharazibar eghaghanibar min garir puvati. Akinafarir kam, Jona amizir bizibara gun migei. Egha uaghan, Jona amizir arazir maba mong derazir puvati.

God Niniven nguibar ekiamin gumazamizir God gifozir puvatiziba bagh akam akunasa Jona mikeme. Ezi Jona aghuagha, faragha Godin ari mangasa. Ezi God uam a inigha ize, egha dughiar kam in Jona Niniven ghugha Godin akam otivizir akabar gun me migei. Egha a gari, me navibagh irazi, a kamaghin fo God me gasighasighan kogham, ezi an navim ikuvigha iti. Kamaghin amizi, God Jona arazir apangkuvim bagha bar deraghavira an sure gami.

Judan gumazamizir maba kamaghin nighnisi, God merara ifonge, egha gumazamizir igharaz darazigh ifongezir puvati. Akinafarir kam deraghvira kamaghin e mikimasa, God nguazimin gumazamiziba bar moghira me gifonge. Ezi ingangarir God Israelia ganingizir mam, a kamakin, me gumazamizir igharazibar aku a bagh izam.

## Jona ari mangasa amima God uam a inigha ize

(Sapta 1--2)

*Jona Godin dimdiamin ari*

<sup>1</sup> Dughiar mam Ekiam akam isa Amitain otarim Jona ganiga ghaze,

<sup>2</sup> “Niniven nguibar bar ekiam, an arazir kuram nan damazimin otogha gifa. Kamaghin amizi, ni datirighira mangi, akam akuniva a gasiva a mikim.”

<sup>3</sup> Ezi puvati Jona Ikiavira Itir Godin ari, nguibar ekiam Tarsisin mangasa nighnisi. Egha Jopan nguibar ekiamin uaghira kuriba itir danganimin gari, ezi Tarsisin mangamin kurir mam iti. Ezi a uan kurir ivezim akirigha givagha kurimin ingarir gumaziba ko kurimin biragha Ekiamin arava Tarsisin zui.

<sup>4</sup> Ezi Ekiam aminir bar dafam amadazima an ongarim gisin ivai, ezi osimtizir dafam ongarim batozima kurim bighirighasava ami.

<sup>5</sup> Ezi kurimin suighava an ingarir gumaziba atiatia aguava, vaghvagha akurvazim bagha uan asebar diava arai.\* Egha me kurim mighivghighasa, kurimin itir bizir maba isa ongarimin ada akuri. Dughiar kamnaghin, Jona kurimin dikinim giraghu, egha akuava onгани.

---

**1:1:** 2 Atriviba 14:25      **1:3:** Josua 19:46; 2 Eghaghaniba 2:16; Onger Akaba 139:7-10; Jona 4:2; Aposel 9:36      **1:4:** Onger Akaba 107:25      **1:5:** Aposel 27:18-19; 27:38      \* **1:5:** Kurimin ingarir gumazibar aseba, mati en marvir guaba ko asizir nedaziba ko aser avirir maba uakan.

<sup>6</sup> Ezi kurimîn suizir gumazir ekiam a bagha ghuava a miġia ghaze, “Ni manmaghsuava akui? Ni osegh dikavigh uan asemîn dim! Eghti aser kam ti en apangkuvigh en akuraghti e ovengan kogham.”

<sup>7</sup> Ezi kurimîn ingarir gumaziba uariv ġia ghaze, “Ia izi e arazitam damigh fogham, tinara amizima osimtizir kam e bato.” Egha me foghasa uan nguibamîn arazir mam gikarara zuima Jonan ziam oto.

<sup>8</sup> Ezi me an azara, “Ni, osimtizir e bativir kaba inigha izir gumazim, ni dar gun e mikemegh. Ni tizim kagh a gami? Ni ten gumazim, egha managhira ikegha izi? Ni nguibar manam ko, ikizir manamra gumazim?”

<sup>9</sup> Ezi a men akam ikaragha ghaze, “Ki Hibruian gumazir mam, egha ki Godin ziam fer gumazim. A Godin uan Nguibamîn itim, an ongarim ko nguazimîn ingari.”

<sup>10</sup> Ezi Jona me geghanizi me kamaghin fo, a Ikiavira Itir Godin ari. Ezi me bar atiatigha aguava an azara, “Ni manmaghiram ami?”

<sup>11</sup> Dughiar kamnaghira ongarim bar moghira ikuva zui. Ezi me an azara, “E manmaghira ni damightima, ongarim e bagh amiragh magiram?”

<sup>12</sup> Ezi a ghaze, “Nan suiragh na isi ongarir torimîn na akunigh, eghti ongarim amiragh magiram. Ki fo, na bangin aminim ko ongarim osimtizir ekiam ia ganingi.”

<sup>13</sup> Ezi puvati, kurimîn ingarir gumaziba kurim inigha azenan nguazimîn mangasava pul gami.

Datirighin ongarim bua bar ekevegħa għuan-abogħa, faragħa ingarizi mogħin bar a gafira. Kamagħin me għuava avenge.

<sup>14</sup> Egha me Ikiavira Itir God diava arai, “O Jnan Ekiam, e nin dei! E gumazir kam ongarim mikinighti, ni an ovevem ikaraghti e ovengan kogham. Ni gumazir osimtiziba puvatizir kamın ovevem e gasan marki. O Ikiavira Itir God, ni uabi ifongezi bizir kaba otifi, ni uabi dar amu.”

<sup>15</sup> Egha me Jona inigha anekunizi, a iragħuzi, ongarir miğħigha ingarir kam magħira amiragħa uaghiri.

<sup>16</sup> Bizir kamın kurimın ingarir gumaziba bar Ikiavira Itir Godın atiatigha, ġin an ofa gamua akam akirigha, an ziam fe.

<sup>17</sup> Ezi Ikiavira Itir God osirir dafar mam amadazi, a iza Jona tuizi, an an navir averiam giragħu. Jona osirir kamın navir averiam aruer 3pla ko dimagarir 3plan an aven iti.

## 2

### *Jona osirimın aven ikia egha God ko miġei*

<sup>1</sup> Egha Jona osirimın navimın aven ikia uan Ikiavira Itir God ko miġei.

<sup>2</sup> A ghaze, “O Ikiavira Itir God, ki osimtizim ikia nin dei,

ezi ni nan akuragh, nan dimdiam barakigh.

Ki Gumazamizir Oveaghuezibar Nguibar kuramın ikia, nin diava arai.

Ezi ni nan ararem baraki.

- <sup>3</sup> Ni na akunizi ki ongarir dikinim giraghu.  
 Ki guizbangira bar ongarir dikinim iti.  
 Ezi ongarim bar na avara.  
 Ongarim na gisin dipiraghira zui.
- <sup>4</sup> Ki kamaghin migia ghaze,  
 'Ni na batoghezi, ki ni ko ikian kogham.  
 Ki ti ua nin Dipenim ganan kogham.'
- <sup>5</sup> Ki ongarimin aven iraghu, egha ki avighazi.  
 Ezi ongarim bar na avara.  
 Ongarimin aghuir tevseviba  
 bar nan dapanim agiragiri.
- <sup>6</sup> Ki ongarimin itir mighsiaba bar dar apengan  
 iraghu.  
 Danganir kurar kam bar nan suiragha bar na  
 ikiaghariki.  
 Ezi Ikiavira Itir God, ni nan God, ni uam na ini.  
 Ezi ki danganir kuram ategha angamira ni ko  
 iti.
- <sup>7</sup> Ekiam, ki ovengamin moghin uabi ginighnigha,  
 egha ni ginighnisi.  
 Ki ni ko migeir migirigiar kam nin Dipenir ekiar  
 zuezimin ni batozi,  
 ni na baraki.
- <sup>8</sup> Gumazir maba gavgaviba puvatizir marvir  
 guabar ziaba fe.  
 Gumazir kaba arazir nin gin zuim ataki.
- <sup>9</sup> Ezi ki uabi, ighiam bangiva nin ziam fiva  
 asizitam misuegh ofa isi ni daningasa.  
 Bizir ki ni ko akam akirigha givaziba, ki dar  
 amuam.  
 O Ikiavira Itir God, ni uabira en akurvazima,

---

**2:3:** Onger Akaba 42:7; 88:6      **2:4:** 1 Atriviba 8:38; Onger Akaba  
 31:22      **2:5:** Onger Akaba 69:1; Azir Akam 3:54      **2:7:** Onger  
 Akaba 18:6

e angamira ni ko iti.”

<sup>10</sup> Ezi Ikiavira Itir God osirim mikemezima, a ghua dadarimin Jonan miki.

## **Jona Godin akam Niniven anakuri**

### **3**

*(Sapta 3--4)*

*Jona Niniven zui*

<sup>1</sup> Ezi Ikiavira Itir God, uam akam Jona ganiga ghaze,

<sup>2</sup> “Ni dikavigh, Niniven nguibar bar ekiamin mangi. Akar ki ni ganidim, ni a isi gumazamizir nguibar kam in itiba, an gun me mikim.”

<sup>3</sup> Ezi Jona Ikiavira Itir Godin akam baregha, dikavigha Niniven zui. Ninive a nguibar bar ekiam. Ni nguibar kam fagh vongin otivsi, aruer 3plan anebigh mangam.

<sup>4</sup> Ezi Jona dikavigha nguibar ekiar kam in ave-riamin ghuava, aruer vamiran darorim gamua, kamaghin pamtemin gumazamizibar dia ghaze, “40plan dughia ba givaghtima, Ninive bar moghira ikuvigham.”

<sup>5</sup> Ezi Niniven gumazamiziba Godin akar kam nighnizir gavgavim an ikia, egha kamaghin migia ghaze, “E dagheba ategham. E bar moghira, gumazir dapaniba ko gumazir kiniba uaghara, e azir korotiabar aghuigh, egh uan azirakar kam akaghti, God fogh suam, e guizbangira navibagh iragha gifa.” Egha me mikemezi moghin, ami.

<sup>6</sup> Ezi miġirġiar kam Niniven atrivim batozi, an oregha uan Atrivir dabirabim ataki. Egha a uan atrivimin korotiar aghuiba suegha, ada arigha azirakar korotiaba aghui, egha averenim gisiin aperaghav iti, egha kamaghin uabi Godin akagha ghaze, a uan navim gira.

<sup>7</sup> Egha atrivim Niniven gumamaziziba bar me bagha akaba amangi. Egha kamaghin miġei, “Kar ki, uan gumazir dapaniba ko en akam. Ia bar moghira dagheba atakigh. Ia gumamaziziba, ko, uan bulmakauba ko, sipsipba ko, ia dipatam ko, daghetam aman bar marki.

<sup>8</sup> Ia bar moghira azirakar korotiabar aghuigh, egh uan bulmakauba ko sipsipba azirakar korotiaba uaghan me gikegh. Egh ia miġhivira God ko mikim, egh ia amir arazir bar kuraba ko pura uariv sogha ariaghirir arazim, ia bar moghira da atakigh.

<sup>9</sup> E kamaghin damightima, God ti ua uan nighnizim giragh, egh uam ataran koghti, e oven-gan kogham.”

<sup>10</sup> Egha me uan arazir kuraba ataki, ezi God me amizir arazir kamın gani. Egha uan nighnizim giragha, bizir kurar a Niniven gumamazizibar amuasa mikemezim, an a gamizir puvati.

## 4

### *God apangkuvim iti, ezi Jona Godin atari*

<sup>1</sup> Jona, Ikiavira Itir God, Niniven gumamazizibar apangkuvizir arazir kamın osemegha, navim an ikufi.

---

**3:10:** Ua Me Ini 32:14; 1 Atriviba 21:27-29; Jeremaia 18:8; Amos 7:3; 7:6

<sup>2</sup> Egha a kamaghin Ikiavira Itir God ko migia ghaze, “Ekiam, ni nan akam barakigh. Ki tighar nguibam ataghiraghamin dughiamin, ki fo, arazir ni amizir kam ni a damuam. Kamaghin amizi, ki ari mangasa, egha ara Tarsisin zui. Ki fo, ni gumazamiziba bar me gifongegha, bar men apangkufi. Egha ni zuamirama atarir pu. Puvati. Nin apangkuvim bar moghiram en ekefe. Egha ni zurara uan nighnizim gighasa ifongeghavira ikia, egha gumazamizibar arazir kuraba ikarvazir puvati.

<sup>3</sup> Aria, Ikiavira Itir God, ni ikirimirir ki datirighin itim agifagh. Ki oveghti, kamaghin deragham. Ki oveghan koghti, kamaghin ti deraghan kogham.”

<sup>4</sup> Ezi Ikiavira Itir God an akam kamaghin a ikaragha ghaze, “Jona, adarir arazir ni amir kam a deras, o? Bar puvati!”

<sup>5</sup> Ezi Jona nguibar ekiam ategha ghua aruem anadi naghin apera. Egha a purirpenir mam in garigha an aven aperaghav iti. Egh an an iki nguibar ekiamin ganasa, bizir tizimram a bati-vam.

<sup>6</sup> Ezi Ikiavira Itir Godin Gavgavim, kamaghin Jona ginighnisi, aruem an mikarzim dapongan koghtima a deravira ikiam. Kamaghin, a ruarimin ikarizir mam gamizima an aghua, Jonan purirpenimin ava Jona avara. Ezi Jona ikarizir kam bagha bar akonge.

<sup>7</sup> Ezi aminim tirazi aminzaragham mizaraghara, God apizir kurar mam amadazima, a ikarizir kam bagha izegha anemezi, ikarizim misingi.



<sup>8</sup> Ezi gın aruem anadima, God aminir bar puvira feim amadazima, an aruem anadi naghın izi. Ezi aruem Jonan dapanim gaboi, an damaziba an sirima a irasava ami.

Ezi Jona kamaghın nighnigha God migei, “Ki aremeka. Ki aremeghti, kamaghın deragham. Ki aremeghan koghti, kamaghın deraghan kogham.”

<sup>9</sup> Ezi God kamaghın Jona migei, “Ikarızir kam misigha gıvazima, ni atari. Nın adarim ti arazir aghuim, o? Bar puvati.”

Kamaghın amizi, Jona bar God basemegha ghaze, “Guizbangıra, nan adarim arazir aghuim. Nan adarim bar ekefe, a na damighti, ki aremeghti deragham.”

<sup>10</sup> Ezi Ekiam kamaghın a migei, “Ikarızir kam dimagarir vamıran aghuava ekefe, egha dimagarir igharazimın a misingi. Ni tong an ingarızir puvati, egha ni a gamizi an ekevezir puvati. Egha bar bizir muziarir kam, ni an apangkufi.

<sup>11</sup> Ki uaghan apangkuvir ekiam Niniven nguibar bar ekiamın iti. An aven, arazir kuratam gamizir puvatızir borir avırıba iti, men dibobonim 120 tausen gafira. Egha uaghan bulmakaun bar avırıba iti.”

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 28 Dec 2024 from source files dated 29 Jan 2022

8f6beb37-6783-55d5-91ed-8321cc3f5eea